

جریده علمیہ

مشیت جلیله اسلامیہ نمک جریده رسمیه سیدر

غرة ذی القعدة سنة ۱۳۳۲

عدو : ۵

آیہ بر نشر اولنور

برنجی سنہ

فتاویٰ شریفہ [*]

صلاة :

زید وطنه مدت سفر مسافه اولان دیاره عزیمت و عمرانی تجاوز ایدوب مدت سفر سیر ایتمدن اقامتہ نیت یاخود وطنه عودتله فسخ عزیمت ایتمدیجکه صلوة رباعیه بی قصر جائز اولورمی. الجواب : اولور.

*
**

صوم :

مقیم اولان زید رمضان شریفده صائماً صباحه داخل اولوب بعده مدت سفر بعید آخر دیاره کیتیمک ایچون اول کون بلده سندن خروج ایلسه اول کونک صومنی آتام زیده واجب اولورمی. الجواب : اولور.

بوصورتده زید وجه محرر اوزره صائم ایکن اول کون بلده سندن خروج ومسافر اولدقن صکره قبل الغروب افطار ایلسه زیده کفارت لازمه اولیوب انحق قضاء لازم اولورمی. الجواب : اولور.

*
**

نکاح :

زید زوجہ سی هندک اوکی اناسی زینبی تزوج ایدوب هندایله جمع ایتمک جائز اولورمی. الجواب : اولور.

[*] دیگر نسخهلده اولدیی کی بونسخه ییده کذران اولان شهر عربی ظرفنده ویرلان فتاویٰ شریفه دن کثری وحادثات مشهوره یه تعلقی اعتباریله نقلان صرف نظر اولنان ارث اراضی فتوالرندن ماعداسی دنج اولنشد.

زیدك زوجہسی ھند فوت اولدقده زید ھندك اوکی اناسی زینبی تزوج ایتك جائز
اولورمی . الجواب : اولور .

*
**

ھندك زوجی زیددن اولان اوغلی عمرو ھندك زوج آخری بركك زوجہ اخراسی
زینبدن اولان قزی خدیجہیی تزوج ایتك جائز اولورمی . الجواب : اولور .

*
**

زید بر مجلسده شہود محضرلرندہ عمروہ قزم ھندصغیرہیی اوغلك بکر صغیرہ اللھك
مریلہ ویردم دیوب عمرو دخی آلام قبول ایتدم دیوب لكن مجلس عقد نکاح ایچون
عقد ایدلمش اولیوب مجلس وعدا اولسه وسبق خطبه وتسمیہ مهر دخی بولنماسه بومرتبه
یلہ شرعاً نکاح منعقد اولورمی . الجواب : اولماز .

*
**

جنون مطبق ایله مجنون اولوب مجرد اولان زیدك ولی اقربی اناسنك آناسی ھند
شہود محضرلرندہ زینبی مهر مثیلہ زیدہ تزویج ایلسه نکاح منعقد اولوب زینب زیدك
منكوحہسی اولورمی . الجواب : اولور .

*
**

ھند صغیرہیی اجانبیدن زید ولیسی اذنتسز عمروہ تزویج ایدوب بعده ولیسی مجیز
ولمدین ھند بالغه اولسه ھند مجیزه اولیوب عقد مزبورى فسخه قآدره اولورمی . الجواب :
اولور .

*
**

زیدزوجہ موطوئہسی ھندك زوج آخردن اولان قزی زینبی تزوج ایتك جائز اولورمی .
الجواب : اولماز .

*
**

رضاع:

ھند قزی زینب ایله زیدی مدت رضاعده ارضاع ایلسه زید ھندك آخر قزینك قزی
خدیجہیی تزوج ایتك جائز اولورمی . الجواب : اولماز .

*
**

هند زیدك از قزنداشی عمروی مدت رضاعده ارضاع ایلسه زید هندك قزی
زینی تزوج ایتك جائز اولورمی. الجواب : اولور .

*
**

طلاق :
زید زوجه مدخول بهاسی هند حره بی آنجق ایکی طلاق رجعیله تطلیق ایتدکن
صکره زید هنده عدتی ایچنده مراجعت ایدوب تجدید نکاح ایتدین هندایله ازواج معامله سنه
قادر اولورمی. الجواب : اولور .

*
**

زید آخر دیاره کیتدکده زوجه سی هنده معنوم و مرسوم مکتوب یازوب مکتوبنده
«بندن بوش اول» دیو تحریر و مکتوبی هنده ارسال ایلسه هند بوش اولورمی. الجواب : اولور .

*
**

زید آخر دیاره کیتدکده زوجه سی هنده معنوم و مرسوم مکتوب یازوب مکتوبنده
«بندن اوچ طلاق بوش اول» دیو تحریر و مکتوبی هنده ارسال ایلسه هند زیددن اوچ
طلاق بوش اولورمی. الجواب : اولور .

*
**

زید زوجه سی هندی اوچ طلاق ایله تطلیق ایتدکن صکره زید حله ایتدیرمدین
هندی شو قدر آچه مهر اُسمیه سیله تزوج و وطی ایدوب بعده هند زیددن تفریق
اولنسه هند مهر مثل ایله مسلمان اقلنی زیددن آلفه قادره اولورمی. الجواب : اولور .

*
**

زید زوجه سی هندك قز قزنداشی زینه «سنی منزله قورسم شرط اولسون» دیوب
مرادی شرطله طلاق اولوب لکن زینب زیدك علمی واذنی یوغیکن زیدك منزله کیرسه
هنده طلاق واقع اولورمی. الجواب : اولماز .

*
**

زید «فلان فعلی اشرسم زوجه م هند اوچ طلاق بوش اولسون» دیدکن صکره زید
ول فعلی اشلمدین هندی بر طلاق ایله تطلیق ایدوب عدتی منقضیه اولدقدن صکره

زید اول فعلی اشیوب بعده هندی تزوج ایسه شرط مزبورہ بناءً هند اوچ طلاق بوش
اولورمی. الجواب : اولور.

*
**

زید آخر دیاره کیمک اوزره ایکن زوجه سی هند زیده «بنی تطلیق ایله» دیدکده
زید «آلی آی تمامنه دکن کلمزسم ارادتک الکده اولسون» دیوب کیتدکن صکره آلی
آیه دک کلمسه هندمبانه اولورمی. الجواب : اولور .

*
**

زید زوجه سی هند حره نی اصلا تطلیق ایتمیشکن بر طلاق باین ایله تطلیق ایتدکن
صکره زید هندی رضاسیله بالاحله تزوجه قادراولورمی. الجواب : اولور .

*
**

حضانه :

هند صغیره نك آناسی وحاضنه سی زینب نفسی صغیره یه اجنبی یه تزویج ایدوب
صغیره نك باباسنك آناسی خدیجه دن غیری حاضنه سی اولماسه خدیجه صغیره نی زینبدن
آلوب بحق الحضانه تربیه وامسا که قادراولورمی. الجواب : اولور .

*
**

بش یاشنده اولان زید صغیرك حق حضانه سی باباسی عمروك اولیوب آناسنك آناسی
هندك اولورمی. الجواب : اولور .

*
**

هند زوج مطلق زید معسر دن اولوب حضانه سنده اولان صغیر اوغلی عمروك مالی
اولماغله زید دن نفقه واجرت طلب ایدوب بسلامك استدکده صغیرك عمه سی زینب موسره
«بن صغیری بلاجر بسلیوب هند دن منع ایتم» دیسه حاکم هنده صغیری بلاجر امساك
ایله یاخود زینبه ویردیمکه قادراولورمی. الجواب : اولور .

*
**

نفقه :

زوجی اولیان هند فقیره نك لا بوین ار قزنداشی زید موسردن غیری کسه سی اولماسه
هندك نفقه سی زید اوزرینه لازمه اولورمی. الجواب : اولور .

*
**

زوجی اولیان هند ققیره نك باباسنك باباسی زید ایله لابوین عمی عمرودن غیری کسنه سی
اولیوب لکن زید معسر اولوب عمرو موسر اولسه هندك نفقه سی زیده لازمه اولیوب
یالکز عمرو اوزرینه لازمه اولورمی. الجواب: اولور.

*
**

هند معسر نك زوجی زید دخی معسر اولدقده هندك زوج آخردن اولان اوغلی
عمرو موسر اوزرینه نفقه سی لازمه اولورمی. الجواب: اولور.
بوصورتده بعددا زید موسر اولدقده عمرو نفقه یه اولان مصروفیله زید اوزرینه
رجوعه قادر اولورمی. الجواب: اولور.

*
**

وصیت:
زید جمله مالی زوجہ سی هندہ وصیت ایتد کدنصکره زید فوت اولوب هندی و سائر
ورثه سنی ترك ایلسه سائر ورثه وصیتی مجیز اولماسه لر هند وصیت مرقومه یه بناءً زیدك
ترک سندن نسنه آلمغه قادره اولورمی. الجواب: اولماز.

*
**

زید فوتمدن صکره مالمدن فلان جهت بره شو قدر آقچه صرف اولنسون دیو وصیت
ایتد کدن صکره زید مصرأ فوت اولوب ثلث مساعد اولسه ورثه سی وصیتی طوتمامغه قادر
اولورلرمی. الجواب: اولمازلر

*
**

بربلده ادا ایلسدن زید بر مصلحتی ایچون بلده اخرايه کتد کدن صکره «ثلث مالمدن
نم ایچون حج اولنسون» دیو وصیت ایتد کده بلده اولی یا بلده ثانیه دن حج اولنه دیو تعیین
ایتمیوب بعده بلده اخرايه مصرأ فوت اولسه ثلث مالی بلده سندن احجاج اولنمغه کفایت ایلسه
بلده اخرايدن احجاج اولنمیوب زیدك بلده سندن احجاج اولنقی لازم اولورمی. الجواب: اولور.

*
**

ارث:
هند فوت اولوب زوجی زیدی و لام قرنداشی زینی و لابوین ار قرنداشی عمروی

ترك ايتدكده تركه هند آلتی سهمدن اولوب اوچ سهمی زیده برسهمی زینه ایکی سهمی
عمروه ویرلسه صحیح اولورمی. الجواب: اولور.

بوصورتله هندك لاب ار قرنداشی دخی هنده وارث اولورمی. الجواب: اولماز.

*
**

هند فوت اولوب آنجق لابوین ار قرنداشی قزینك اوغلی زیدی ترك ايتدكده زید
ترکه هندی احرازه قادر اولورمی. الجواب: اولور.

بوصورتده هندك لابوین خالی اولادی دخی هنده وارث اولورلری. الجواب: اولمازلر.

*
**

زید فوت اولوب زوجہسی هندی واوغللری عمرو و بکری ترك ایدوب قبل القسمه
عمرو دخی فوت اولوب آناسی هندی ولاب ار قرنداشی بکری ترك ايتدكده تركه زید قرق
سکز سهمدن اولوب اون اوچ سهمی هنده اوتوزبش سهمی بکری ویرلسه صحیح اولورمی
الجواب: اولور.

*
**

مارقو فوت اولوب زوجہسی آرخوندیانی و آناسی اناسطاسی ترك ايتدكده مارقونك
ترکه سی درت سهمدن اولوب برسهمی آرخوندیایه اوچ سهمی آناسطاسه ویرلسه صحیح اولورمی.
الجواب: اولور.

بوصورتده مارقونك عمی قزی و عمهسی اوغلی دخی مارقویه وارث اولورلری. الجواب:
اولمازلر.

*
**

هند فوت اولوب آنجق لابوین قز قرنداشی زینبی ترك ايتدكده زینب تركه هندی
احرازه قادره اولورمی. الجواب: اولور.

بوصورتده هندك خالی دخی هنده وارث اولورمی. الجواب: اولماز.

*
**

زید فوت اولوب زوجه سی هندی ولاب ارقنداشی عمروی ترک ایتدکده ترک زید
درت سهمدن اولوب برسه می هنده اوچ سهمی عمروه ویرسه صحیح اولورمی. الجواب :
اولور *

بو صورتده زیدك قرنداشی اولادی دخی زیده وارث اولورلرمی. الجواب :
اولمازلر

*
**

زید فوت اولوب زوجه سی هند حاملی و آناسی زینبی وقزی خدیجه بی ولابون قز
قرنداشی رقیه بی ترک ایتدکده ترک زید یتش ایکی سهمدن اولوب طقوز سهمی هنده
اون ایکی سهمی زینه اون یدی سهمی خدیجه به ویریلوب باقی اوتوز درت سهمی حمل
ایچون بعدالتوقیف اکر هند اقتضاء عدته اقرار ایتدین ایکی سنه دن اقلده برولد ذکر
طوغوررسه سهم موقوف آکا واکر برولد اثی طوغوررسه سهم موقوفدن یکرمی
درت سهمی ولد انشایه یدی سهمی خدیجه به اوچ سهمی رقیه به اکر اولولدی میتاً یاخود
ایکی سنه دن اکثرده حیاً طوغوررسه سهم موقوفدن اون طقوز سهمی خدیجه به اون
بش سهمی رقیه به ویرسه صحیح اولورمی. الجواب : اولور .

*
**

وقف :

ماقول شیخ الاسلام دام بابه مرجعاً للانام
فی متولی وقف ادعی علی زید ان العقار الذی بیده وقف فاقر زید بان عرصه ذلك
العقار وقف و ادعی ان ابنته بملک له ورثها عن امه المتوفاه فدفعه المتولی بان امه كانت من مدة
دون ست وثلاثین سنة اقترت بان ارض ذلك العقار وقف و حرر علیها بذلك سند و وکلت
عمرأ بوضع امضائها فيه وقد فعل عمرو ذلك فباقرارها المذكور يدخل البناء فی المقربه
تبعاً و یكون وقفا ایضا فهل یصح دفع المتولی اذا ثبتت تلك الامور علی الوجه المشروع
الجواب : نعم یصح

*
**

ماقول شیخ الاسلام دام بابه مرجعاً للانام
فیمن وقف وقفه علی نفسه مدة حیاته ثم علی اولاده ثم علی اولاد اولاده ونسله الطبقة

العليا تحجب الطبقة السفلى وشرط النظر لنفسه ثم للارشاد فالارشاد من المستحقين الموقوف عليهم فادعى احد اهل الطبقة الحاجة الرشاد وادعى ايضا احد الطبقة المحجوبة الرشاد بصدد ان يصير اليه وبمعنى ان الوقف شامل لهم فهل والحالة هذه اذا اثبتا رشدهما معاً لدى الحاكم الشرعى وتنازعا النظر لتساويهما فى الرشاد النظر لمن فى الطبقة الحاجة ام كيف الحال

الجواب : نعم النظر لمن فى الطبقة الحاجة

*
**

فما اذا ادعى زيد الواضع يده على دار دفع منازعة ابن اخيه عمرو اياه فيها حيث ان اياه وقفها على سكناء فقال عمرو ان الدار كانت ملك جدى ورثها منه ابى و زيد مناصفة وبوفاة ابى انتقل نصيبه الى فهل يكون نصيب ابى عمرو من الدار له يفعل به ماشاء و نصيب زيد وقفها على ما اقربه. الجواب : يكون نصيب ابى عمرو له ونصيب زيد وقفها.

*
**

بروقفك غلهسى قديمى برجهته صرف اولنوركن حالا متولى مصرف قديمى تغيير ايدوب غله مزبورى جهه اخرايه صرفه قادر اولورمى. الجواب : اولماز .

*
**

بيع :
زيد ملك منزلى ثمن معلومه عمروه بيع و تسليم ايدوب لكن زيدك بيعى حجت اولماسه عمرو مجرد حجت اولنمدى ديو بيعى فسخره قادر اولورمى. الجواب : اولماز .

*
**

اجاره :
زيد عمروى مدت معلومه تمامه دك كندويه خدمت ايتك ايجون شوقدر آچه به استيجار ايدوب عمرو دخی مدت تمامه دك زیده خدمت ايلسه عمرو اجر مسايى زيددن المغه قادر اولورمى. الجواب : اولور .

*
**

هبة :
زيد صحتده شو قدر آچه سنى اوغلى عمرو كيره هبه و تسليم ايتد كد نصكره زيد فوت اولسه سائر ورثه سى هبه بى طوماغه قادر اولورلرمى. الجواب : اولمازلر .

*
**

زيد صحتده ملك منزلنى اوغلى عمرو كييره هبه وتسليم ايتدكدنصكره زيد فوت اولوب
عمروى وساثر ورثهسى ترك ايلسه ساثر ورثهسى هبه يي طومئامغه قادراولورلرمى. الجواب :
اولمازلر .

*
**

قسمت:

زيد متوفانك ورثهسى تركدن برمنزلى اقتسام ايدوب هربرى استيفاي حقه اقرار
ايتدكن صكره ايجلرندن عمرو حصه مده غبن فاحش واقع اولمشدى ديو دعوى ايلسه
مسموعه اولورلرمى. الجواب : اولمازلر .

*
**

معاملات جواريه:

زيدك منزلنك صحياغى قديمدن بحق عمروك باغچهسى اوزرينه اوزانمش اولوب
طملهسى باغچهيه آقه كلشيكن عمرو زيده « بعد اليوم راضى اولمام طمله يي آخريه اجرا
ايله » ديمكه قادراولورلرمى. الجواب : اولمازلر .

*
**

اقرار:

زيد عمرودن ذمتكده قرضدن شوقدر آقه حقم اولوب حتى اقرار دخی ايتمشيدك
ديو دعوى ايتدكده عمرو كاذباً اقرار ايتمشيدم ديسه عمرو اقرارنده كاذب اولماديغنه
زيد يمين ويردرمكه قادراولورلرمى. الجواب : اولور .

*
**

زيد متوفانك ورثهسى عمرودن « زيدك ذمتكده قرضدن شوقدر آقه حتى اولوب
حتى زيدك حياتنده اقرار دخی ايتمشيدك » ديو دعوى ايتدكدرنده عمرو « كاذباً اقرار ايتمشيدم »
ديسه عمرو اقرارنده كاذب اولديغنى بيلمادكلرينه ورثهيه يمين ويردرمكه قادر اولورلرمى .
الجواب : اولور .

شقي:

ماقول شيخ الاسلام دام بابه مرجعاً للانام
في بلدة لها جوامع متعددة هل يجوز اداء صلاة الجمعة في كل منها ام يجب الاقتصار

في جامع واحد فقط . الجواب : نعم يجوز ادائها في مصر واحسد في مواضع متعددة سواء كان
المصر كبيراً اولاً وسواء فصل بين جانبيه نهر كبير اولاً وسواء قطع الجسر اولاً وسواء كان في
موضعين او اكثر

*
**

برمسجد شريفه امام اولان زيدك اقتدائي منافي سوء حالي يوغنيك جماعتدن بر
قاج كسنه لر مجرد زیدی عزل ايتديرمك ايچون حاكمه واروب زیده اقتدادن استكره
ايدرز ديسه لر كلاملى ملتفت اليه اولورمى . الجواب : اولماز .

*
**

ماقول شيخ الاسلام دام بابه مرجعاً للانام
في بلدة لها جوامع متعددة هل يجوز اداء صلاة الجمعة في كل منها سواء كانت البلدة كبيرة
اولاً وسواء فصل بين جانبيها نهر كبير اولاً وسواء قطع الجسر اولاً وسواء كان التعدد في
مسجدين او اكثر ام يجب الاقتصار في جامع واحد فقط . الجواب : نعم يجوز اداء صلاة
الجمعة في كل منها

*
**

زيد جماعتى استيعاب ايمان موجود برجامع شريفى توسيع ايلسه جامع مزبور چوق
توسع ايديجك صلو جعه وعيدن اقامتى ايچون اذن س لمطاني لازم اولورمى . الجواب :
اولور .

*
**

زيدك زوجة مدخول بهاسى هندك آخر زوجندن اولان قزى زينب زیده محرم
اولوب لكن خوف فتنه اوليجق كورنمك جائز اولورمى . الجواب : اولماز .

*
**

ماقول شيخ الاسلام دام بابه مرجعاً للانام
في جامع لا يستوعب اعاليه هل يجوز توسيعه باموالهم ام يجب على المؤمنين ان يذهبوا
الى جوامع اخر

نعم يجوز توسيعه وبنائه احكم من الاول ويجوز ايضاً ان يذهبوا الى جوامع اخر

اراضی:

زید بیک ایکیوز سکسان درت سنه سی محرمک اون یدنجی کونی تاریخی فرمان
عالینک صدورندن مؤخر و بیک اوچیوز اوتوز برسنه سی ربیع الاولک یکر می یدنجی
تاریخی فرمان عالینک نشرندن مقدم اراضی امیر یه دن برتر لایه طاپو ایله متصرف ایکن
فوت اولوب اصحاب انتقالدن درجه ده مقدم انجق آناسی هندی ترک ایتدکده هند بر
موجب امر سلطانی اول تارلانک خرج انتقالی و یروب بلا بدل ضبط ایتک استدکده
زیدک قرنداشی اول تارلاده هند مشارکته قادراولور می. الجواب: اولماز.

*
**

هند اراضی امیر یه دن برتر لایه طاپو ایله متصرفه ایکن فوت اولوب آنجق قزی
زینی و کندودن مقدم فوت اولان اوغلنک قزی خدیجی ترک ایتدکده مزبور لر بر
موجب امر سلطانی اول تارلانک خرج انتقالی و یروب بلا بدل سویاً ضبطه قادره
اولور لر می. الجواب: اولور لر.

*
**

زید بیک ایکیوز سکسان درت سنه سی محرمک اون یدنجی کونی تاریخی فرمان
عالینک صدورندن مؤخر و بیک اوچیوز اوتوز برسنه سی ربیع الاولک یکر می یدنجی
کونی تاریخی فرمان عالینک نشرندن مقدم اراضی امیر یه دن ابنیه واشجار و کرومدن خالی
بدل عشر مقاطعه لو برتر لایه متصرف ایکن فوت اولوب اصحاب انتقالدن درجه ده مقدم
انجق اوغلی عمروی و قزی هندی ترک ایتدکده مزبور لر بر موجب امر سلطانی
اول ترلانک خرج انتقالی و یروب بلا بدل سویاً ضبط ایتک اقتضا ایدر ایکن زیدک
زوجه سی زینب مجرد اول تارلاً مقاطعه لو اولغله املاک کی موروث اولور او یله اولیجق
اول تارلانک سکز سهمدن بر سه می دخی بن ضبط ایدرم دیمکه قادره اولور می. الجواب:
اولماز.

